

Daengngoenz lumj aen giuzfeiz nei lwenqapyap venj youq gwnz-mbwn, nditlwenq dwk bouxvunz yaek hai mbouj ndaej da bae, aeng dwk bouxvunz yaek diemjcaw mbouj ndaej.

Gizneix dwg aen dieg hwnj laeuz moq ndeu, gyoengq vunzhong youq laj ndit guhhong bouxboux hanh dumz ndang liux.

Seizneix, aen ciaudiz ndeu youq laj laeuz lij caengz guh baenz haenx dingz roengzdaej, mbouj yungh gangj, gyoengq bouxguh hong haenx couh rox dwg boux hongdaeuz daengz lo, ndaek neix ngoenz ndeu song ngoenz couh daej gunghdi gamhong baez ndeu, gyoengq bouxguh hong raen lai le couh sibgven lo. Danghnaeuz de dan yawj mbouj youqgaenj, ceiq dwgcaengz dwg aenbak de, aenbak de baez doengh, mbouj dwg ndaq vunz couh dwg gyaep vunz guhhong vaiq di. Couh lumj ngoenzlwenz nei, aenbak de baez aj, diuz ling aeu mingh vunz ndeu couh loh okdaeuj: Baihgwnz mingling youq aen byai ndwen neix gaxgonq guhsat aen gunghcwnz neix, mbouj miz couh gaue cienzhong.

W! Byai ndwen neix guhsat? Neix dwg boux ndeu guh gij hong song boux haenx bw, caendwg ndwn dwk gangj vah hwet mbouj in ha.

Seizneix, hongdaeuz ndonj ok ci daej, yungh fwngzgvaz youq najbyak de dangj ndit, yiengq gunghdi yawj bae, ciepdwk song fwngz guh baenz aen lahbah ndeu yiengq gunghdi hemq naeuz: “Gyoengq beixnuengx, gij cindu aen gunghcwnz sou ndaej daengz lingj dauj haenh lo, yaep dem lingj dauj yaek daej gunghdi camnai gyoengq-sou, raeuz bouxboux aeu cingsaenz gvaekgvaek, ndatcingz coux lingj-dauj ……”

Daihgya mbouj miz byawz dapwngq de, lumj baenz mbouj dingqnyi nei, cij nyaengq guhhong.

Yaek daengz banringz cib’it diemjcueng seiz, haj aen ciq aen gaen aen hai haeuj gunghdi daej, gunghshw laujcungj caeuq hajboux lingj dauj laebdaeb roengz ci, hong-daeuz baez raen gyoengqde roengz ci, sikhaek buet bae caeuq goengde gaemfwngz, liux le yiengq gwnz gunghdi hemq naeuz: Gyoengq beix-nuengx, yietnaiq yaep ndeu, lingj dauj

De lij naeuz, gij gihgvan cigsug ndaw gih roxnaeuz cigsug ndaw si haenx cungj aeu siumied diegf wz, guh gij dieg neix baenz suenmak bae, roxnaeuz yungh daej ndaem gofaex funggingj. Danghnaeuz song hangh neix cungj mbouj habsim nei, couh bu diegnywjbngz. Yungh geij bi seizgan, youq ndaw si、gyanghongh, siumied go’nywj nyaengqsaengsaeng dingz yienh siengq neix.

Dahyunghgyangh daiq daej hwnghvungh caeuq vuenyungz hawj Si Namzningz, caemh daiq daej cainanh. Doenghbaez, baez fat raemxrongz, vihraemx Yunghgyangh mauhgvaq 69 maex seiz, gij dieg youq daemq ndawsingz haenx sikhaek deng dumh. Caizliuh lizsij geiq miz, daj bi 1908 daengz bi 1949, 41 bi neix daej, couh miz 14 baez raemxrongz vihraemx



□Lingz Siuyangh/凌秀香

daeuj yawj sou lo, vaiq di comz daengz giz dieghoengq neix daej.

Geij cib bouxguh hong haenx laebdaeb comz daengz giz haenx, hongdaeuz anbaiz gyoengqde ndwn baenz seiq baiz.

“Gyoengq dungzci, sou sin’ hoj lo, sou dwg boux gensez ndawsingz, ndawsingz gensez liz mbouj ndaej gyoengqsou……sou aeu guh ndei gij hong ancienz caeuq fuengz ndit ha.” Laujcungj ndatcingz dwk gangj vah, baez gangj sat, hongdaeuz daiqdaeuz dop fwngz, sat le, gyoengq lingj dauj hawj gyoengq bouxguh hong boux fat bingz raemx ndeu caeuq aen mauhdiemx ndeu.

Seizneix, boux ceiq nyaengq haenx dwg boux ingjsiengq, de aeu dawz gij ciengzmienh lingj dauj camnai gunghyinz neix ingj roengzdaej.

Seizhaenx mbwn gvengq ndit haenq, yaep yet, gyoengq lingj dauj deng ndit coemh dwk hanh lae hanh roenx, bouxboux aen naj hoengz-fwdfwd.

Hongdaeuz raen le, gaenjgip daihsing dwk naeuz: “Gou daibyauj gunghyinz docih gyoengq lingj dauj, gyoengqsou sin’ hoj lo, ndit aeng lai, sou dauqbae gonq, gou lawh sou fat laex ba.”

Coenzvah neix gangj ndaej gig habseiz, gyoengq lingj dauj dingq le gipmuengz ndonj haeuj ndawci bae. Boux lingj dauj ndeu caeuq hongdaeuz laeglemx gangj geij coenz, couh doiq gyoengq lingj dauj naeuz: “Raeuz bae Laeuzsien ietnaiq ba!”

Gyoengq lingj dauj byaijdeuz le, hongdaeuz daihsing hemq naeuz: “Moix boux ndaej bingz raemx ndeu caeuq aen mauhdiemx ndeu, haxbaenh byawz caengz ndaej couh gag daej lingz.”

“Baenzneix lungzchung daej fat laex neix, yaeuh lwgnyez ha?”

“Raeuz dwg daenj mauhdiemx ndei roxnaeuz daenj mauh ganghgvei ndei ne?”

……

Gyoengq vunzhong byawz gangj maz cungj miz, mbouj dawz gij doxgaiq haeuj sim caeuq gij vah hongdaeuz haeuj rwz, gak boux gag dauqbae guhhong shwgeij.

“Hw——” Hongdaeuz riu’ nyaen

sing ndeu, sim naemj: “Gyaez aeu couh aeu, mbouj gyaez dang viz, neix hix dwg gij cienz sou cawx daej.”

Gvaq le sam ngoenz, dangdieg bauqceij daeng fuk doz sinhvwz ndeu, fukdoz geij naeuz: XXX gencuz gunghshw lingj dauj mauh ndit roengz gunghdi bae camnai gyoengq gunghyinz, souh ndaej daengxcungq haenhndei.

Gyoengq lingj dauj yawj bauqceij le, riunyumnyum, ngaekngaek gyaeuj. Gyoengq vunzhong yawj le mbouj dangq saeh ndeu. Cijmiz hongdaeuz sijsaeq bae yawj: Gyoengq lingj dauj naeng mienz noh oi q haenx,caeuq gyoengq bouxhong naeng co naj ndaem haenx, baez doxbeij, caen doxca lumj gwnzmbwn lajdeih nei.

Hongdaeuz yawj dwk fukdoz gwnz bauqceij, mbouj gangj saek coenz vah, muengzyaengyaeng byaij coh Laeuzsien bae.

Bouxcoz Vasim Hai 青年心花开

□Suh Dasingh /苏大星

Sai: Haetneix ganj hawbit
Ndit caengz ok byaibya
Ngam byaij daengz roenca
Roeb dahnuengx bakloh

Sau: Beix bae haw guhmaz
Ra lwgsau gangigoj
Cawx saek geubuh moq
Soengq dahgoj cangndang

Sai: Beix caengz miz sauyoux
Cibgouj lai sam bi
Ndaw ranz mbouj baenzmiz
Lij gai rengz ra haeux

Sau: Laek cang gungz heuh hoj
Ranzlaeuz goj daengj baenz
Cienz mbouj miz geij faen
Baenzlawz gangj ndaej gvaq

Sai: Beix senq bae Guengjdoeng
Roengz cangj bae dizlien
Ngoenz guh geij cib gienh
Lwedhanh bienq baenz ngaenz

Sau: Nuengx youq rauz ndaemnaz
Leh dei h ma ndaem byaek

Yienznaeuz dawz rap naek
Mbouj miz saek yiengh ndwi

Sai: Nuengx dwg boux canghhong
Song fwngz gvai youh gaenx
Haeuj cangj guh ndaej ngaenz
Geij bi baenz vunzfouq

Sau: Haw hung caengz bae gvaq
Baenzlawz ra ndaej hong
Beix daz nuengx baenz song
Ra hong cij ndaej ngaih

Sai: Beix gaisau haeuj cangj
Mbouj gangj maz diuzgen
Song raeuz sim doxlien
Cien bi cungj caemh youq

Sau: Daegbeix cingzeiq naek
Nuengx goj yaek caemh ranz
Fanh bi raeuz doxgyaez

Hab: Bouxcoz vasim hai
Byai faex venj rim mak
Seizcou aenaen fag
Haeuj bak amqamq diemz

Veiz Gozcingh Sangcieng Cawj- guenj Guengjsae Ngeihcib Bi 韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

mauhgvaq 75 maex, dumh doh aen-singz neix.

Cungguek moq laebbaenz le, baez raemxrongz ceiq laux Si Namzningz dwg youq bi 1968 ndwen 8 fatseng, vihraemx sang daengz 76.39 maex. Daengx si 195 diuz gai miz 176 diuz deng dumh, dieghenzsingz 6 fanh moux naz caeuq diegbyaek deng dumh doh, sonjsaet haenq lai.

Seizhaenx, Veiz Gozcingh dwg

boux vunzgaemhong Cuijsaeq Bwhguh Veijyenzvei Gwzming Guengjsae, lij youq Baekging camgya aen Banhagsib Cujciz Vunzlai Song Baij Guengjsae cunghyangh banh haenx,, gaijgez song baij daih lienzhab caeuq laebbaenz Veijyenzvei Gwzming Guengjsae gij vwndiz neix. Namzningz vujudou coemh le haujlai gai, youh fat baez raemxrongz noix raen neix, hawj haujlai vunzcai deng louzlangh, Veiz Gozcingh sim gij

in dwk naeuz: “Caendwg cainah a!”

Veijyenvei Gwzming Swcigih laebbaenz le, Veiz Gozcingh dwg boux cujyin, de gig gvansim soujfuj re raemxrongz. De ra boux cujyin Veijyenzvei Gwzming Si Namzningz Hanz Sifuz、fucujyin Siuh Hanz daengj vunz daej doxyaeng, cingj gyoengqde ngeixnaemj yaenglwnh gonq, daezok yigen, liuxle cij bauq hawj swcigih guh ngeixyaeng gietdingh. (caengz sat)